

# Lehitala au kopetau (weapons)

Kua iei nei he fale patino mō te Lehitalaga o nā kopetau.

Na fakamautū tēnei fale patino ite aho 24 o Iuni 2023.

Ko he tahi o auala tēnei e fakamālohia ai e Niuhila te taukikilaga o ana kopetau i o tātou komiuniti. E taumuliuli ki nā huiga na fakatino ki a tātou tulāfono tau kopetau na fau i tua mai o te fakalavelave na fakafeagai ma Kulaihitete ite tafanaga o nā tino i te mosque i te 2019.

Kafai ko koe e iei ho laihene tau kopetau, e manakomia ke kaumai ni au fakamatalaga ki te fale Lehitala agai ki au kopetau uma ma nā tahi vāega ei lalo o tau taukikilaga.

Ko na vāega kopetau e tatau ke lehitala ko nā:

- kopetau e hē fakahā, e aofia ai nā kope e taku ko te Specially Dangerous Airguns (PCPs)
- kopetau e fakahā ma nā potu e teu ai nā kopetau iēnei
- itukāiga fana e taku ko te pistol
- kopetau e limiti te fakaogā
- nā tōtōga lalahi
- nā vāega patino mo nā fana ve ko na pistol.

E hē totogia e koe ke lehitala ai au kopetau pe ko nā tahi vāega i lalo o tau taukikilaga.

E manakomia ke kaumai e koe na fakamatalaga iēnei i mua mai o te aho 31 o Aukuho 2028.

Ko iētahi vāega e manakomia ke kaumai e koe ni fakamatalaga ki te fale Lehitala i he taimi lata mai, mō he fakatakitakiga, kafai e fakatau pe totogi atu e koe ni kopetau. Ko nā gaoioiga iēnei e taku ve ko ni 'vaitaimi e fakagaoioi ai' (activating circumstances). E feoloolo te fuainumela o na vaitaimi e fakagaoigaoi ai.

Mō ni iētahi fakamatalaga e ke manakomia agai ki te fale fou ke Lehitala ai nā Kopetau, ma pe vefea ona vave lehitala au kopetau, ahiahi ki te [www.firearmssafetyauthority.govt.nz](http://www.firearmssafetyauthority.govt.nz)